

Nsyaki-á sébéy nê wārki tekı mo Liyel nípú tyí

N yúnpyé, yépi nónó-á sébéy mē kàrpule.

Nsyaki lésō sébéy mē wārki tekı mo Liyel nípú tyí nónó-á sō me kwlo náhnáh soko. Pè sō me sē Liyel yō, nte, kwlonó sō me péle n yini n tē, ànê sétō sō me péle n fwo. Képah ye Nsyaki sébéy mē tekı mo pé tyí, à sóré mo pé soko ne, pé gbah n tē Liyel yō sēnó soko. A sō me péle n vi n mo tyi náhnáh soko, ne pé tyíéplole n pi. Liyel nípú tükù sō me n yo ne páh sē Liyel yō, té pé tyípinì náh mó tō me ple. Képah ye Nsyaki kō à kè gbah yo pé tyí ne nkē, névi nê-à ne páh sē Liyel yō, té n tyípinì náh me ple, yō kē-á tē Liyel yō sēnóle.

Liyel yé yah tē ké karnó soko!

Wey kōnóle

¹ Nmo Nsyaki nê-á Liyel, ànê Tē ngbē Yesu Krista tōnpule, mé sébéy mēne n tekı n mo, à n weki Liyel nípú pól tyí, nónó-á me kárkínkōnole kèkōyó soko.

Mónyahno dòhninóle n pi Liyel yō sēnó yō

² N yúnpyé, mónyahno-à sō pi yèvyāhrı dükù nê dükùle yé tyí, yé ye kè pi nìvì ngbēne yé tyí.

³ Yé pī ne, yé Liyel yō sēnó-á tē we mónyahno tyí, képah soko-á yé ki pi tēnpnèpule.

4 Nte, yé ye yé tēpnènó mè ké tò pi kyi syi ké yìn tyí, yé kō yè gbèkè yĩ, pèkè káh tō we yé soko, ànê kwâh yó ntē káh yé tekí.

5 Nte, yípi-à yé soko ney yó tekí, tē kè ni Liyel tyí, à kú kè yĩ tē kō. Nmo ye n yĩ no pólle n kō fòkòpènorí soko, pé yah yó-ńkēne. Képah ye, tē kè ni nmo tyí.

6 Té tē yīne à kè ni Liyel yō sēnó soko tòtò kēne. Yah, névi nê-à tòtòle n pi, tē me á kú ne yónkwíl sō, yáhkí n tókò n mo n kō yey yey pólle.

7 Sēnkō névi káh ne n sō ne, páh kú kwâh yó ntē we n pi Tē ñgbē Liyel tyí.

8 Névi dùkù yó ye tēne, nê lékám náh me tēnóle fí núkú, ànê à me tòtò soko ñ tyípínó pól soko.

Yām ànê tahrile

9 N yūnpyé nónó-á me yām soko, Liyel kú pò pè doko n mo n pi: Képah ye, pè ké nìvìle ne n pi.

10 Té tahbú kú tye n soko n pi filfi tyí kōle. Képah ye, pè tò pé tíkínmōnō nìvìle ne n pi.

11 Sō-á gbī-à gbo, té vyāh filfi tē, sè n kòkò, ñ du ñ kwe. Plé-ńsah náh tō n we sé tyí. Sē ó ye, tahbú tò kú yah n kwlo n pi pé tyípínó niyó.

Mónyahno ànê tōnmōnole

12 Yèvuni me névi tyí, nê-á ñne n tah n sah mónyahno soko. Mónyahno sókónteno náh, tē kú tēnweno tōrí yókúrí we, nê-á tyé-ńkē minne.

Kéne tyé-ńkě min tyí ye Liyel n vyãhle névye kō sah, n tyí-á nō nónó tyí.

¹³ Yé pĩ, ney náh fě Liyel tō mō à tyípékè pı n pi, ànê ñmō tō náh mó tō ñnî yó ńtēne n tō n mō n dah n mō tyípékè soko. Képah ye, tōnmōnō-à nê yĩni tē, tē káh ne, Liyel-á n tō n mō péle.

¹⁴ Nte, nê-á ńkěne nénúkù núkú pólle n yorı n dah n mō tyípékè soko, pé sōnō tókúnĩ dékè tyi ye.

¹⁵ Wáh ye sōnō tókúnĩ nópi kō sè tē we á tyí, sè n pō tyípékèle. Tyípékè-à mó gbèkè yĩ, kè n pō kũne.

¹⁶ N yũnpyé, yé tyí nō n tyí. Yé káh yé gblöy pilki dé!

¹⁷ Ngbö, yĩnkōnō yĩ tãhnì pèplo pól n wil yĩnyō. Liyel ye n kō ále séle, ñmō nê-á mō yĩnyō kyòole. N òkù náh n vi n mō, fěntũ tyah náh me ñ soko.

¹⁸ Nte, Liyel sō me ké tyí ne, pé á sah n tyí mónónō pól yah ùnne. Képah ye, à min sáanne á kō n wey gbi gbö yō.

Liyel wey nóhnó ànê ké wěkì kólóle

¹⁹⁻²⁰ N yũnpyé, yé tyí nō n tyí. Yé pĩ ne ńkě, névi foko-à vyãh, n tyípínì náh Liyel nle n vi. Képah ye, yé nénúkù núkú pól yĩne yé yé níne n kwō nohni súú, té yé káh ne n sal n weki sónyah-ńkěne, ànê yé foko káh ne n kwãh n vyãh.

²¹ Káh pı sě, yé tyítókúnĩ ànê népékè pínó duke duke pól yal n mō pnépné. Yé mó Liyel

wey fẽ n syi gblõy tíkinmɔnɔ sɔkɔ, wãh nê dah mɔ yé nno sɔkɔ. Képah ye kɪ fẽ yé pwah mɔ.

²² Yé káh yé gblõy t̃ɔ mɔ n pɪ Liyel wey nóhpú óle, n̄te, yé ne n kɔ ké wěkì yõ.

²³ Yah, nê-à kéle n nohn̄i óle, té à náh me n kɔ ké wěkì yõ, t̃ɛ me á kɪ ne n̄n̄i yó s̃ɔ, nê-á me n yèpɔle n yah dwòlì sɔkɔ s̃ɔ-á kéle.

²⁴ Wàh fyò n̄ gblõy yah te, té yal ké tnô, nénpó swɔ, n̄ dyɔ n fwɔ n̄ yèpɔ dùkùle.

²⁵ Nte, Liyel tyi kònsàhnó me túnóle, sè kɪ fẽ névye sah pé gblõy yõ. Névi nê-à sépi t̃ɛ palle, sé sɔkɔ tyi nóhnmilki-ńkēne, té n̄ tyile n pɪ sãh yo s̃ɔ, t̃ɛ wɔ kɪ yèvin̄i we n̄ tyípínó pól sɔkɔ.

²⁶ Nkě, nê-à me n s̃ɔ ne, Liyel wěkì kó-ò-á péle, té à náh me n kyom̄i n wɛkɪ, t̃ɛ me n̄ gblõyne n pilki. N̄ Liyel wěkì kɔ dùkù me nònóle.

²⁷ Nte, Liyel wěkì kóló nê-á syii n̄t̃ɛ kēne ké sɔkɔ sú Liyel n mɔ n kō, kè we yò: Á ȳine n̄ ńgbye ànê pékúsyɔle n t̃ɛ ple pé yèvyãhr̄i sɔkɔ, ànê káh n ye kèkõyó tyi pɔ n̄ silki Liyel yah.

2

Wãhkì pínó náh ple

¹ N̄ yũnpyé, yáh s̃ɛ t̃ɔrí T̃ɛ ñgb̄ẽ Yesu Krista yõ, yé náh ȳine yè neyne n wah.

² S̃ɔ-á dí yó kɪ fẽ pɔ de yé tówû n̄iyó sɔkɔ, té kɪ me s̄án kèngbɔ táhn̄i dyɪ, té kɪ me fwòtãhn̄i mɔ; té yãm ney yó tɔ kɪ fẽ pɔ de yé n̄iyó fwòyàlle n̄ wil:

³ Yâh fwòpèplo mó-ò dí wɔ tɛ́nó ple, té yo ò tyí ne, à pɔ kɔ̃ tɛ̃ tɛ̃-nsah pèpey mè sɔkɔ, té yo yãm ney mè wɔ tyí ne, à yuku yĩn tɛ̃, képah náh pɪ, à kɔ̃ tɛ̃ ásô sètáh sɔkɔ;

⁴ yâh pɪ sɛ̃, wăhkì náh yé n pɪ wɛ̃ wró di? Yé náh ònî yó tokɔ fónfó pɪ ò ní-òle yé fókósòno túkúñi gbò yò di?

⁵ N yũnpyé, yé tyí no ní tyí. Yé yé níki kwɔ noh. Névyé nónó-á yãm tãnne kèkõyó névyé tɛ̃ tyí, pépi ye Liyel yah wilki, à pɪ tahbɪle Yesu yò sɛ̃nó sɔkɔ. Anê pépi ye tɔ̃ à kɪ kɔ̃ pè kɪ n de n pi ò tɔ̃rí sɔkɔ, képah nê tyí-á à ò vyăhle névyé kɔ̃, ò tyí-á no nónó tyí.

⁶ Nte, yépi-à yãm tãnne n yilo, té tahbɪ wɔle n gbilki-à; kéne tahbɪ tɛ̃ wɔ náh n fõh yéle, té yéle n tɛ̃ n tuke n pɔ tukey tükè-ntàn sɔkɔ di?

⁷ Té Krista yĩn pèpey-á yé yò sɔkɔ, pépi ye tɔ̃ képah tyí yónkòpule.

⁸ Nte, Liyel tyi kònsàhnò yó me wárkínsàhnóle nê-á gblò kal sé no télóle. Képah n yo ne níké: «Ye á ní-ò tyí no á tyí á gblõy tyí kõle»*. Képah wɛ̃kì-à kɪ nê yé n kɔ, yé me n pɪ ple.

⁹ Nte, wăhkì tɛ̃-à kɪ nê yé n pɪ, tyípèkè ye kéle. Yé me pílkínóle Liyel tyi kònsàhnó sɔkɔ, yáh sònpí yahle kólóle ké wɛ̃kì yò.

¹⁰⁻¹¹ Yah, Liyel nê-á yo ne: «Káh fòfíkì pɪ»,

* **2:8 2.8** - «Ye á ní-ò tyí no á tyí á gblõy tyí kõle»: Yé kɪ fɛ̃ kè we Likyi sébéy 10.27, ànê Markɪ sébéy 12.31, ànê Levitiki sébéy 19.18.

̀̀m̀o ó ye t̃o yo ne: «Káh nékókè m̀o.»† Wâh s̃o f̀òf̀íkì pí-ńk̃ēne, té nékókè m̀o, á ye Liyel tyi k̀ònsàhnó yahle. Képah ye, névi-à s̃o Liyel tyi k̀ònsàhnó pól pi, té sé s̀ok̀o tyíyóné núkú fyé yahle, t̃ē me p̀ilkínóle sé pól s̀ok̀o.

12 Liyel tyi k̀ònsàhnó ye sah yéle yé gbl̃oy ỹo, té Liyel k̀i yé tuke n ỹine n pi sépile. Képah ye, yé ye yé wey, ànê yé pídùk̀u ne me ỹínénóle Liyel tyi k̀ònsàhnó nópìle.

13 Nk̃ē, névi nê-à névye yãmne n yáh-ńk̃ēne, Liyel t̀o náh t̃ē yãm yah n pi tukey tuke sóle. Nte, névi nê-à névye yãmne n yah, t̃ē ỹo k̀i ỹo tukey tuke sóle.

Tyípeplo pí-ńk̃ē Liyel ỹo s̃énóle, ỹo se me ké tyí?

14 N ỹúnpyé, òñi yó-à òntỹino ne, páh s̃ē Liyel ỹo, té ò tyípínì náh me kéle n w̃ēk̀i, ỹo se k̀i we ké tyí? Kéne Liyel ỹo s̃énó dùk̀u mè se k̀i f̃ē à pwah m̀o?

15 S̃o-á, á ỹúnpi yó tyí flo k̀i f̃ē n kne, ànê à náh me n we n ỹo sw̃osw̃o pól s̀ok̀o:

16 Ỹo se me ké tyí, wâh t̃ē syah ne, à de lènole, à mó flole n m̀o virule n t̃ũ, ànê à ne n ỹo n t̃o; té á náh se mó t̃o à k̃o ò yétô ỹi nópìle?

17 S̃ē ó ye, névi nê-à ne, páh s̃ē Liyel ỹo, tir yó òt̃ē pí-ńk̃ēne nê-á ò Liyel ỹo s̃énóle n w̃ēk̀i, t̃ē Liyel ỹo s̃énó me k̀unt̃énóle.

† 2:10-11 2.11 - K̀onm̀ono ànê f̀òf̀íkìle, sépi t̀o me Liyel tyi k̀ònsàhnó gbãm s̀ok̀o, Moyisi-á nónó wãrk̀i sah Yálnó s̃ébéy 20 s̀ok̀o.

18 Gbòkénpi n̄n̄ yó kɪ fě ne, tókù-á me s̄e Liyel yõ, tókù mó me tyípeplɔle n pi. Kàh pi s̄e, t̄e ní wěkɪ n̄ Liyel yõ s̄enóle, tyípinì k̄ene wé. N̄mɔ wɔ kɪ à wěkɪ ní Liyel yõ s̄enóle ní tyípinì sɔkɔ.

19 Wâh me s̄e ké yõ ne Liyelle, nukú-á n̄ne, kè ple. Té p̄i ne, sétân to s̄enó-á me képah t̄e wɔ yõ dé. Anê, n̄ yah tíkí pínó t̄e tyí, sé wil n ne n syah.

20 Lékám se me n̄ tekɪ? Wâh me ké tyí, mé kɪ fě n̄ wěkɪ ne, tyípeplo pí-ńk̄e Liyel yõ s̄enóle, yõ náh me ké tyí:

21 Api náh ney Abrahamɪ-á tyípíkì nê pi, képah nê-á pi n̄ pídí Yisakɪ dókónmɔnɔle sárká súkénkõ-ńsah yõ, ne pé à ko Liyel k̄o, s̄o-á Liyel yo kéle n̄ tyí.‡ Képah sɔkɔ náh Liyel à pi négbíle di?

22 A náh we di, Abrahamɪ Liyel yõ s̄enó anê n̄ tyípinì sò me n ko wě tyí. Té, n̄ tyípinì gbò yõ, n̄ Liyel yõ s̄enó pi palle.

23 Képah sɔkɔ ye Liyel wey m̄e pi tũ nê-á yo ne ńk̄e: «Abrahamɪ s̄e ȳí n̄ T̄e n̄gb̄e Liyel yõ, Liyel mó à pi négbíle», té n̄ne n ye n̄ kódíne.

24 Yé kè we kè, névi Liyel yõ s̄enó ó náh dé! N̄ tyípinì to gbò yõ ye Liyel à pi négbíle.

25 S̄e ó ye t̄o, fòfínpi pi nê-á lésò p̄e n ye Wrahbule: A lésò f̄e syi Yisrayel t̄entò névye k̄o p̄e w̄obɪ n̄ tyí. Té p̄e yohnɪ mɔ, à p̄e mɔ wěkɪ yó

‡ 2:21 2.21 - Abrahamɪ s̄e Liyel yõ, képah ye à Liyel yóré f̄e syi. Kàh pi s̄e, Liyel mó à dyah ké p̄epɔrɔle. Képah n we Yenesɪ s̄ébéy 15 anê kɪ 22 sɔkɔ.

yõ, pè kã pè to pwah. § Kéne tyíépéy gbò yõ ye Liyel ò tò pi négbíle.

²⁶ Sõ-á névi min-à wil ò soko, à n ne me kúnóle, sě ó ye tyípínì tò-à n kne, névi Liyel yõ sěno n ne me kúnóle.

3

Gblõy kyòmìnóle wékínó soko

¹ N yúnpyé, yé pínó me ké soko ne, ápi nónó-á pi névye kwópúle, áyáh kí n tuke n pi kápékèyô, kí kal no télóle kè. Képah ye, yé náhnáh káh ne n yah n kã ne, yé pi kwópúle.

² Yé pĩ ne, á nénúkù núkú pól-á n pilki náhnáh. Nte, névi nê-à n pílki-ńkêne ò vyãh wey soko, òmò népépéy syi ké yĩn tyí. A kí fě tẽ ò wil gběnsê pól tò tyí.

³ Sõ-á áyáh kàrfyê dyi sèsèn vyëy tyí ne, sè ne n nohnì á tyí, sé wil pól tò yah ye ńkêne à n ne n tẽ kéle.

⁴ Képah náh pi, yé krótókè ògbě tole n yah yò soko kè: Kàh sã me gblò sã, té yáhkí sã me kéle n tu n mò sã, sésár píri yó ó ye ké tó-ò n ne n tẽ ké yahle. Wàh me ké tyí ne, kè syõ nýãh soko, kè n syõ nénpóle.

⁵ Sě ó ye nénpórí tole, wil tyah yó ye tyí ò òsõ, té kè ké gblõyne n gbilki n kah.

Yé náh nyàh tò we di? Kàh sã me tyí sã, kàh soh dùkù ògbě soko, kè n fě ké pól yõ.

§ 2:25 2.25 - Wrahbule, fòfínpi pi ye sò òne. Té wàh pò sě Liyel yõ, kápah ye à kã à Yisrayel névye yísyó yohnì mò, pè kã pè wõbù ò tyí. N tyí me yónóle Nsyosye sébéy 2 soko.

⁶ Nte, nénpórí tɔ me kéne nyàh tyí kòle. Tyípèl náhnáh n wil képah sɔko. Kè me déntɛ́nóle wil sɔko, té wil téy pólle n yó. Tyípèl nónó-á n wil ké sɔko, ní-ńkě nyàhnpèkè sɔko ye sè n wil. Képah ye, kě yíkínóle n pi á min pól sɔko, f́ó kè pɔ nɔ á kúnó tyí.*

⁷ Yah, gběnkɔ duke duke pól n kwɔ n pne. Kèpye, ànê vyeh, à tahlɔ yɔ sɔko yí tyí, névi tɛ we sépi pól kwɔ.

⁸ Nte, nénpórí tɛ wɔle, nnî yó ńtɛ náh tɛ we képah kwɔ n pi. Kwáhpékè nê-á kè náh n tɛ syísyí, képah ye nénpóríle. Kè me névi ko ko sohrɔ óle ké t́ó.

⁹ Kéne nénpórí núkú me ye ápi Tɛ ñgbě, á sú Liyelle n gbilki, ñ té n t́ó képah óle pèkèle n ye n mɔ névye yó, ñte Liyel ye mó t́ó mɔ péle ñ kètòle.

¹⁰ Gbilkínó wɔlɔ ànê pèkè yénmɔnɔ wɔlɔ kɔ n wil vyāh núkú sɔko nɔ? N yúnpyé, yé káh ne n pi sɛ.

¹¹ Nípenèkì ànê ni páhpáh se kɔ fɛ n wil kwlèy núkú sɔko?

¹² N yúnpyé, dah se kɔ fɛ we gbɛ sènsóké séswô sɔko? Tí sènsóké séswô pye se kɔ fɛ we gbɛ kèpõnpõ séswô sɔko? Sɛ ó ye pne ni, ànê nípenèkì náh fɛ n wil n pi kwlèy núkú sɔko.

Yípi nê-á n wil Liyel tyí

* **3:6** 3.6 - Ní-ńkě nyàhnpèkèle, f́í yó ye, nýāh sɔko-á pè n fōh tyípèl pípúle pé kúntenɔ náh. Sétó tɛ-ñsah ye kéle; ñmɔ nê-á me ké tyí ne, pé Liyel tyípínóle n yíkɔ. Anê ñmɔ ye n mɔ névye nénpóríle pèkè pínó sɔko.

13 Té yépi soko, nê tẽ me yípi névile té lékám me ñ soko? Tẽ yĩne à ne n ko palle gblöy tíkinmɔnɔle ñ tyípinì soko, képah nê-á n wěku ne, wăh yĩ pi.

14 Nte, dyóyókì kérékè, ànê wě fwónó sɔnɔ-à kéne yé nno soko, yé káh yé gblöyne gbilki ne, yáh me yĩ pi. Yé káh gbile n kôli.

15 Kéne yípi mè dùkù náh n wil Liyel tyí dé! Kèkõyó mè tyí ye kéle. Névi yípi ye kéle, kè n wil sétõ tyí.

16 Yah, dyóyókì ànê wě fwónó sɔnɔ-à me nyăh soko, tyífẽ ànê tyítúkúni duke duke pól n ne n pi nénpó soko.

17 Nte, yípi nê-á n wil Liyel tyí, képah-à me névi nê soko, ké gbenne, tẽ ni n ne n me yályál, ànê yèvini tyí n nɔ ñ tyí, té à n pi népépěyne. N tò náh n tah, ànê à névi yãmne n yah, té tyípeplo ó ye à n ne n pi. A náh yèwăhkì ànê fòkòpille n pi.

18 Yèvini-á me nónó tyí, té pè me ké tòle n pi, pè ké yõre we, nê-á péle n pi négblóle Liyel yah.

4

Wâh á yí wil kèkõyó tyí, Liyel dêl ye á pi

1 Kwâh nê n pɔ n pɔ yékâb ànê málle yé wró soko? Fókósɔnɔ túkúni dékè tyí náh n fwo yéle di?

2 Yé yí me n wil yí náhnáh tyí, té yé náh me séle n we. Káh pi sě, nékókè mɔ dékè yé tẽ. Yáh nêne n yah n kô, yé náh kéle n we. Káh pi sě,

yékâb ànê mâl n pyě ne n de yé wró soko. Nte, yé náh me n ni Liyel tyí, képah ye, yé náh me kwâh yóle n we.

³ Yáh se sǒ n ni Liyel tyí, sǒno pèplo náh nkẽne ne me yé soko. Yé n ne n ni yé tyítúkúni dékè tyi pi yĩn óle. Képah ye, yé náh kwâhle n we.

⁴ Kwâh nê fòfínribi pi dukù me yé n pi sǐ? Yé náh pĩ ne, wâh á yĩ wil kèkõyó tyi tyí, Liyel sépe-á ále di? Nê-à kèkõyó tyi tẽ kódíne, tẽ ki pi Liyel sépele.

⁵ Yé se we ne, yõ kǐ-á Liyel wey mène, nê-á yo ne nkẽ: «Liyel-á min nê mo ápi soko, ké tyí no yíi ñ tyí. Képah ye, à me ké tyí ne á ne n me péwo ó tyí yõ.»

⁶ Nte sépi pól soko, à tǒ pèpõri ñgbène n pi ápi tyí, sǐ-á ñ wey kè yo ne nkẽ: «Liyel peke gblõy gbilkipú yõ, té pèpõrile n pi gblõy tikiñmõpu tyí.»

⁷ Képah ye, yé ne n sah Liyel yóré yõ, yè mó sétò tyí yahle, képah soko, sétò ki to gbe mo yéle.*

⁸ Yé no n de Liyelle, képah soko, ñ to ki no de yéle. Tyípêl pípi, yé yé gbân wilki tyípêl píno soko. Tòtò nénye, yé yé nno tǒ n sah.

⁹ Yé yĩne yè pĩ ne, yáh me pèkè soko, yé ké nàhnpĩ gbo. Yé ye yé yìsyòni pi gbnile, yé ñvì mó pi yèkwõrile.

¹⁰ Yé yé gblõy tiki mo Tẽ ñgbẽ yah, à ki yé yõ

* **4:7** 4.7 - Sétòle, Liyel sépe ye ñne. A me ké tyí ne, pé ále n tǒ mo n dah n mo pèkè píno soko.

yõ.

¹¹ N yúnpyé, yé káh wě tyíle n yo n yíkí. Nê-à n yúnpi tyí yo yíkí, képah náh pí, à lékàh syi à kǒ, Liyel tyi kònsàhnó tyí ye tẽ yo yíkí, té lékàhle kè kǒ. Wâh képah pí, á se me n ko Liyel tyi kònsàhnó wěkì yõ? Lékhàh náh á kéle n kǒ di?

¹² Nte, Liyel ó ye sah tyi kònsàhnóle, ànê ñmo ó ye kí fě lékàhle névi kǒ. Ñmo ó ye kí tǒ fě névi pwah mǒ, képah náh pí, kí n tyí yíkí. Nê me áwǒ tẽne, té á lékàhle n syi á yúnpile n kǒ?

Yé káh pí gblǒy gbílkípúle

¹³ Núkúnúkú, yé noh ní tyí yò, yépi nónó-á me n yo ne kweyne, képah náh pí, nsône yáh kí kyí kwíl-ngbẽ mè sǒkǒ, kí kyí yi núkú pí gbò yínó sǒkǒ nénpó kí pǒ we.

¹⁴ Nte, yé se pĩ yé min-á kí n me n pi sǒ nsône? Yé me á kí ne kénfáhkí tǒtǒtǒ yó sǒ, nê-á nkẽne n mǒ nénpó swǒ, n té n karkí.

¹⁵ Yé pyě tǒ sǒ yĩne yé yo ne, Tẽ ñgbẽ-à kí fě syi, yáh kí tẽ min sǒkǒ, té kí tir mè pí, képah náh pí tir mè pí.

¹⁶ Nte, yé n pyě yé gblǒyne n gbilki yé vyãh wey sǒkǒ. Kéne gblǒy gbílkínó òkù yó ntẽ náh ple.

¹⁷ Sépi pól sǒkǒ, névi nê-à pèpǒri pínó yah we, té tẽ náh me kéle n pí, tyípekè ye tẽ n pí.

5

Tahbi-á yĩne pè nê pĩ

1 Núkúnúkú, yépi nónó-á me tahbule, yé noh ní tyí yò: Yèvyàhnpèl nónó-á kɪ pɔ yé yīni n tē n pi, yé ne n kah n gbo sépi yīnne.

2 Yé tahrɪ me n pyāh, té sóhrí me yé flɔle n yō.

3 Yé sán ànê yé pónɔ me n pi syímine. Kéne syími ye kɪ pɔ wilki mɔ yé gbònkòkòle, té kɪ yé wil gběnsê yō, nyàh tyí kōle. Kèkōyó tye gbí mē fyé nóntenɔ sɔkɔ, yépi me tahrɪle n yah n tuke n mɔ n sah yé gblɔy tyí kè!

4 Té, tònɔɔɔ nónó nítē-á tòle n pi yé swēy sɔkɔ, yè n yahle pé pòle pé kōnòle. Pépi Liyel yéngbonɔ yīnpɔ ye n de Liyel níki sɔkɔ, òmò nê-á kèkōyó Tē ògběne.

5 Yépi me yòtɔrí yéle n yō kèkōyó mē sɔkɔ, à yé dyɔ yī tyile n pi, me gbilki tē, á kɪ ne ko ko nyeh sɔ.

6 Yé lékàhle névye kō, nónó-á pè nàh tyítúkù pi. Pè mó pé gblɔy fin mɔ yé kō, yé pè ko mɔ.

Syíkintěno pi, Tē ògbě Yesu syínɔnɔ me yúkey

7 N yúnpyé, yé syíkintěnole n pi, fók kè pɔ nɔ Tē ògbě syínɔnɔ tyí. Yé yah sètòle kè, à nkěne sémukɔ pèpɛy wéntɔkɔnɔ syɪki n tē, à tɔkɔ púgbro pínó tyí, pópó ò pɔ n syɪ pútéló pínó tyí.

8 Tē ògbě syínɔnɔ me yúkey; képah ye, yépi tɔ sóré mɔ yī yé gblɔy sɔkɔ, yè syíkintěno pi.

9 N yúnpyé, yé káh ne n tɔkɔ wěne n kō; képah sɔkɔ, Liyel nàh yé tuke n pi. Yé yah, Tē ògbě nê-á kɪ pɔ á tuke n pi, à me yúkey.

10 N yǔnpyé, Liyel tǔntò syínyopu-á lésõ ñ weyne n yo n kǒ yèvyǎhrɪ ànê syíkíntǔnó soko sǒ, yé yǐne yè ne n pɪ pépi tyí kǒle.

11 Yé yah, nónó-á gbah tǔ à kyɪ syɪ ké yǐn tyí, ǎ pépile n sǒ. Yé Nsyobɪ gbáhntǔnó tyí noh ñ yèvyǎhrɪ gbí soko kè. Té tǒ kè we, Tǔ ñgbě-á tyí-ñgbnó nónó pɪ ñ tyí ké tyé-ńsah soko.* Yé náh we, Tǔ ñgbě tǔ wɔ névi yǎm yáhnó ànê ñ pèpɔrɪ me gblo kègbɪ tǔne.

12 Nte, ń yǔnpyé, sépi pól soko, yé káh yéle n wo Liyelle, képah náh pɪ sétáhle. Anê yé káh yéle n wo kwâh yó ntǔne. Yé ye yé àwe ne me ké gbɪ yǒ, yé ǔǔ mó ne me ké gbɪ yǒ. Képah soko, Liyel náh lékáhle yé kǒ n pɪ.

Nírí pínóle yámpú tyí

13 Té yèvyǎhrɪ-à me yépi soko ney nê yǒ, tǔ Liyel ni. Nìvìnì-à se mó me nê yǒ, tǔ Liyel yǐn gbilki yìgbìnì soko.

14 Yé soko ney nê-à me n yo, tǔ Liyel nípú yah tǔpú ye, pépi kɪ pɔ nɪrɪ tuke ñ tyí Tǔ ñgbě Yesu yǐn yǒ, té kɪ Liyel ni ñ tyí.

15 Té nírí mè-à pɪ Liyel yǒ sǔnó soko, yónwó mè kɪ pwáhnmɔnɔ we, ànê Tǔ ñgbě Liyel kɪ à de mɔ. Té wáh se me tyípél pɪ, à kɪ sè yǒ mɔ à kǒ.

16 Képah ye, yáh me dénmɔnɔ tyí, yé yé tyípél wil n syi, yè mó Liyelle n ni wǔne n kǒ. Tǎhkì me yǐ́ négbí nírí soko dé.

* **5:11** 5.11 - Nsyobɪle, négbí ye sǒ ñne: Té sétó pɔ à kwɔ náhnáh. Nte, à n tah sah. Ké tyé-ńsah soko, Liyel pɔ à yohnu mɔ ñ yǒ yǒ. N tyí me yónóle Liyel wey sébéy yó soko, nê-á pè n ye Nsyobɪ sébéyne.

17 Yé náh Yeli wε-à: Névi ye lésõ ònε ápi tyí kǒlε. Nte, à me nírí gbah pí nε, pǔ káh tǒ pí. Pǔ náh mó ntyínε pí sétáh yǒ, fǒó à pε nε ye tǒnó ànê tóní tyí.

18 Képah náh, à tǒ ò syi Liyel ni nε, pǔ pí. Pǔ me pí, sèmuκε pekí.†

Mónpú-ò tēnpɔnɔlε

19 N yúnpyé, yé sɔκε ney yó-à mε pu gbí wǔkìlε, té nê me à tǔ pε ké yǒ, tǔ pí plε.

20 Yé pǐ nε, névi nê-à tyípél pí-ò vi mε pèpεy pínó sɔκε, tǔ ò min pwah mε ò kúntenε náh yèvyǎhrí yah. Anê ò tyípél náhnáh nópi kí se tǒ yǒ mε à kǒ.

† **5:18** 5.17-18 Yeli sǒ pí Liyel tǔntǒ syínyo-ò ògbēnε. N tyí me yónóle Yǒtām sébéy gben 17 ànê 18 sɔκε.

Toussian, Southern
The New Testament in the Southern Toussian
language of Burkina Faso: toussian du sud: wĩn
nìvìnì tirlɛ New Testament
Nouveau Testament en toussian

copyright © 2013 Wycliffe Bible Translators, Inc. in cooperation with
ANTBA

Language: Southern Toussian (Toussian, Southern)

Contributor: Wycliffe Bible Translators, Inc.

All rights reserved.

2025-07-09

PDF generated using Haiola and XeLaTeX on 11 Mar 2026 from source
files dated 9 Jul 2025

aaf2875e-90b5-5c14-b910-61579d3da2c7